



## Internt notat

Til:

Frå: Anne-Sofie Bergene Strømme

Sakshands.	Saksnr.	Løpenr.	Arkiv	Dato
ANNEBS	2021/1704	26044/2021	GBNR3	16.12.2021

---

### Oppsummering av innspel - Landskapsplanen kring Vinjesenteret

Vinjesenteret v/Åsne Vesaas, Juan Hutierrez-Maupome og Line O. Eilevstjønn 29.09.21

Deira viktigaste innspel:

Er det mogleg å spare delar av utearealet slik at det går an å arrangere til dømes ein utekonsert ved seinare høve. Til dømes kan kanskje delar av aktivitetsparken sløyfast?

Kan sykkelløypa gjerast lengre? Til dømes bortover langs formidlingsløypa?

Kan det amfiet som er her frå før nyttast på ein annleis måte? Kanskje det kan vera større plass der, og dermed bli ei naturleg utescene?

Formidlingsløypa verkar super!

Prioriteringsliste frå dei:

1. Hogge skogen på både sider av vegen
2. Stoppeffektar (skulpturar, skilting, flagg, noko som gjer at dei som kører forbi ser oss)
3. Turveg med formidlingsløype rundt heile området
4. Badeområde (kanskje ei flytande badstoge)
5. Naturparken
6. Aktivitetspark

### **Åsmund Nordstoga, nabo 06.07.21 og 23.08.21**

Slik umiddelbart, ser han alternativ 1 som det lettvindaste for gardsdrifta. Det tek ein del dyrka areal, men han reknar med at vegen ikkje skal brøytast, og då vil stien faktisk taka i mot ein del vegsalt og bli ein buffer mot jordet. Men gjev vegvesenet lov til å leggje an ein sti tett opp i vegen, utan noko areal mellom E134 og gangvegen?

Skal han tenkje jordverdi, ville han føretrekt eit alternativ med sti på sudsida av E134. Den trekanta jordsnippen kastar lite av seg, og er vanskeleg å drive skikkeleg. Han leiger den teigen av Signe Vinje og Knut Eknes, så dei må i tilfelle spørjast og gjeva løyve. Ulempa med å leggje stien der, er vel at Vinjestytta vert liggjande utan noko tilknyting til korkje Vinjsetoga eller Vinje-senteret? Men for jordvernet hadde det vori den beste løysinga. Ja, i grunnen hadde det vori best med den løysinga som vart vedteken då det skulle leggjast gangveg frå Vinje skule mot kyrkja.

Drøfta alternativ 3 i møte på kommunehuset 23.08.21. Følgje traseen til planlagt GS-veg framfor opparbeide turveg på dyrka mark og fleire kryssingar av beite. Sjå teikna skisse.

### **Ingeborg Lunde, nabo 22.09.21**

Blir berørt av eventuell sti til Vinjestoga på nedsidan av hytta deira. Fotgjengarovergang ved Vinje. Skeptisk til evt. støy frå langtransport som må gire opp og ned.

### **Anne T. Romtveit, 22.11.21**

Bjørka ved Vinjesenteret som vart planta av skuleungane på Vinje skule like nedanfor statuen av A. O. Vinje den 17.mai 2005, som feiring av Noregs 100-årsdag som sjølvstendig land bør takst godt vare på og det kan kanskje lagast noko særskilt ved, på eller rund bjørka som fortel historia i stutte trekk.

#### Syner til brev sendt til styret i Liv i Vinje 21.09.21:

*17.mai 2005 feira me i Noreg at landet vårt hadde vore sjølvstendig i 100 år. Dette blei òg feira på Vinjar den dagen, sjølvsagt!*

*For å ha eit varig minne frå den særskilde dagen blei det kaupt ei bjørk på Blomen og planta like nedanfor statuen av Aasmund O Vinje. Som kjent var Vinje skule der Vinjesenteret er no, og det var elevane ved skulen som planta bjørka den 17.mai –dagen. Det finns fine foto frå denne hendinga. Og bjørka stend der den dag i dag, også no etter alt byggearbeidet som har vore der dei seiste åra!*

*Det er store planar for uteområdet ved Vinjesenteret no, og eg skriv dette for å minne om denne bjørka og at det er viktig å taka godt vare på den.*

*Og kanskje det kunne gjerast noko for å markere kva for eit minne dette er? Kva med å laga eit skilt med litt tekst på som seier litt om kven/kvifor/dato for plantinga av bjørka, og gjerne slik at det kunne hengast på ein skånsam måte i/på bjørka? Eller andre måtar å få markera bjørka på?*

*Ynskjer med dette å minne Liv i Vinje om denne bjørka og hugse på den i det vidare arbeidet med planane for uteområdet og gjennomføringa av kva som skal skje der i åra som kjem.*

*Eg skriv dette dagen før planane for uteområdet skal diskuterast på Vinjar og vonar de tek dette med der. Dette er og skrive innanfor frista for levering av saker til årsmøtet, dersom de skulle ynskje å taka med dette som sak der.*

**Kari Nestestog og Luke Tennant, nabo 17.10.21**

Ynskjer at toalett planleggast i prosjektet då dei ser at det er ein del folk som gjeng på do ute i friområdet. Dei peikar og på utfordringar ved overvasshandtering frå parkeringsplassen på Vinjesenteret og ned mot dei i Ferjevegen 13.

**Svar frå teknisk sjef:**

Burde vel vere noko open senking i veg ned mot gamle skuleplassen – trur det er der vatnet reiste denne gongen og. Med slikt regn vert grunnen metta og infiltrasjon er vanskeleg. Mitt råd er at arrondering av plassen vert utforma på ein slik måte at vatnet renn fritt ut att der det høyrer heime i Vinjevatn. Tverrprofilen syner vel at dette er tilfelle også, 4 m høgdeforskjell. Utbetring av dette bør takast med i utarbeiding av landskapsplan for området.

**Møte med Næring, TDV, kultur og ordføraren 08.10.21**

Viktig å ikkje ha parallele prosjekter og heller ha ulike aktivitetar på forskjellege plassar i kommunen. Viser til Tverga-prosjektet med blant anna storsatsing på sykkelløype. Sykkelløype bør takast ut av landskapsplanen kring Vinjesenteret. Fokus på temaet kulturhistorie og formidling framfor aktivitetspark ved Vinjesenteret. Uteområdet skal framleis utviklast til ein hyggeleg samplingsplass/badeplass for innbyggjarane med t.d. leikeapparat mm.

Universelt utforma badeplass har me ingen andre plassar i kommunen, det bør leggjast til rette for det i dette prosjektet.

Kopi til: